

四庫全書

子部

欽定四庫全書

子部

古今源流至論續集卷五

詳校官中書臣程炎

主事臣祁韻士覆勘

總校官庶吉士臣倉聖脉

校對官中書臣潘奕雋

謄錄監生臣黃熙純

欽定四庫全書

古今源流至論續集卷五

宋 林駟 撰

衛爵

王者代天爵人尤宜謹之豈非王嘉之言乎嘉何以言之感時而言也夫人主擅威福之柄命爵詔祿所得專

也曰崇德

記文王世子宗廟之中以爵為位崇德也

曰以賢

禮地官大司徒因民之常施十

有三教十有一

以財制爵截乎不敢以輕畀曰不瀆

記緇衣爵不瀆而民作愿

曰不踰

在成十八年爵不踰德

凜乎不敢以過予是何其謹重若

此哉蓋位天位也祿天祿也孟子云五服之章天所以

命有德

書皋陶

非一人所得私也經曰論定然後官之

任官然後爵之

記

傳曰惟名與器不可假人

左傳

誠以一

爵之差天威不遠顔咫尺凜乎其可畏也以是知爵祿

之柄雖人主之所擅而非人主之所可私私之不可鬻

之可乎嘗攷鬻爵之制實始於漢王嘉漢人也代天之

言得不為漢發哉觀漢高當草昧之初將欲收拾人材

以開一代之治而曰有能從吾遊者吾能尊顯之

本紀

至於天下既定第蕭何之次以服衆議

張良傳

先雍齒

之侯以息偶語

同上

是亦一己之私然而未甚失也夫

何文帝從晁錯備邊之言令民納粟以拜爵

晁錯傳

景

帝之世上郡之旱而復脩賣爵之令至裁其價以招人

通典及食貨志云孝景時上郡以西旱復脩賣爵令則而裁其價以招人徒役作得輪粟於縣官以除罪

稍非孝文之制矣其後武帝以擊胡之費又創立武功

爵令人得以入貲而補吏

元朔元年國用空竭有司議令人得賣爵及贖罪請置賞

官名曰武故卜式首以家財輸邊乃至超拜中郎賜爵

左庶長告天下以風百姓

元鼎初豪富皆爭匿財不助縣官惟卜式數求入財天子

乃起拜式為中郎賜爵左庶長田十頃告天下以風百姓則吏道雜而多端矣雖然

亦可以得人也
有以貲拜郎為廷尉而天下無冤民者

張釋之

有入錢補謁者守潁川而治行第一者

黃霸鳴

呼作法於涼其弊尤貪

左傳云

況孝文作俑於先景武

循襲於後是宜東都之季其弊尤甚有吏人入穀而得

關內侯者

後漢永安二年天下水旱用度不足三公奏請令吏人入穀得關內侯

有銅臭

入錢以買三公者

靈帝開賣官之路廷尉崔烈入錢五百萬以買司徒其子鈞曰大人不當

為三公論者馴而至於晉武帝之時賣官得錢入私門
嫌其銅臭

晉武帝太康三年劉毅曰桓靈賣官錢入官
庫陛下賣官錢入私門以此言之乃不如也唐至德之

後納錢百千則賜明經唐至德三年鄭叔請奏伏納
錢百千文與明經出身不識文

字者加品秩耗弊選舉冗濫至是極矣國朝諸科並建
三十千

數路得人無非奉若天道書至於鬻爵雖間舉行皆為

權宜之制故入粟六百石與補上造之請非備邊不許

也咸平末河北轉運使劉綜上言令民入粟備邊六百
石補上造萬二千石為大廩長事存典故利入公家

上慮爵賞之濫重惜其事宰相出粟五千餘石賜第班
言故事具存行之無損行之

行之請非補之則不許也

天禧二年學究鄭可狀本州民闕食願出粟五千六百石

賑濟望賜第選班行本旨不行晁迥李維上言臣等商度損餘補乏為利亦大望令宰臣定議特從其請俟豐

稔即或以賑水旱

太宗時州郡水旱有艱食者或以備止許富民入粟賑貸等第補官或以備

糴本

熙寧七年賜敕諸補貼賑貸涇原環慶路饑民及為永興常平糴本

無非為權宜之

制誠以鬻爵之法雖所以濟人事之不及非所以體天道之至公故隨舉隨罷終不以為經久之策淳熙之君

曰理財有道均節出入足矣安用輕官爵以益貨財

淳熙

三年詔鬻爵非古制也理財有道均節出入足矣安用輕官爵以益貨財朕甚不取自今除獻歲民悉入粟賑

饑有裕於衆聽取旨則其不得已之意為可知矣元祐補官其餘一切住罷

之臣曰納粟不如資蔭資蔭不如進士

元祐元年上官均言百司胥吏

主行文書積年寡遇例談祿仕及豪右之家以賞受官其才品庸下素不知義又外臺郡守獎薦之所不及彼自分其卑賤豈復有奮勵之意其視蔭子弟聞父兄之教少壯就官有鄉進之心宜有間矣由此觀之納粟胥吏不如補蔭補蔭不如進士理之必然也則其輕重之又以為四者之冗有可罷者納粟得官也

意從可知矣今日邊備未徹國計未豐舉行鬻爵之制

是亦祖宗權宜之術然必得其所以處之之道可以俯

仰無愧焉處之何如與之服飾如康定之制可也

康定元年

尹洙上疏請鬻爵為士軍號營房其鬻爵之法凡入粟五百斛為上爵許以珠金為婦女服飾得與本部七品官接坐犯罪聽贖入粟百斛為下爵許鬻女使以銀為飲器與之免後如嘉祐之制

可也

嘉祐六年詔凡入貲為郎至升朝官戶役皆免之京官不得免衙前自餘免其身而已與之

監臨物務而不與之叅軍判官如慶厯之制亦可也慶

七年詔流內銓應納粟授官人不除司理司法叅軍自上州判官止令監臨物務從李東之請也雖鬻

何病焉

鬻僧

三代而上王政脩明民有常業而不知為僧三代而下

王政廢闕民無常業始起而為僧韓子曰古之為民者

四今之為民者六

原道

歐陽子曰井田廢而兼井游惰之

姦起

本論

蓋傷之也惟其傷之是以闢之故著書立言

直欲人其人火其書明先王之道以道之

原道

脩仁義

之本以勝之

本論

觝排攘斥不使之賊吾良民也有王

者作補王政之闕脩王教之廢以正人之惑可也顧可

驚之以開其端歟吾嘗攷其源流佛之為教古無有也

東漢以來始入中國

漢明帝時浮屠之教入中國

然未度僧也至唐

元宗聽楊國忠之言始納錢以度僧

時安樂山反楊國忠以為正庫物不

可以給乃遣侍御史崔衆至太原然則鬻度之法創於

納錢度僧尼道士旬日得百萬緡此歟嗚呼四民有常業古之道也彼其不蠶而衣不耕

而食滅君臣廢父子悖理傷化甚矣一人為僧一夫失

業故妄度姦人使壞正法姚崇為元宗言之

唐紀

若不

鈐制當失六十萬丁李德裕為穆宗言之

唐紀

夫何自

唐以來遞相祖襲至于今而不廢歟噫我知之矣不過

借是以為豐財之術也抑豈知此端既開趨者濶倒天

下之民失業者衆財果可豐歟國朝熙寧以前日就裁

損天子曰經業精熟方許籍記

雍熙二年詔自今經業精熟方許籍記

否

則曰四千未度當降約束

至道元年帝覽泉州一歲未度者四千餘人聳然曰一夫

耕三人食尚有餘者近世一夫耕迨至十人食天下黎民安得不重困當降約束

大臣曰所度

皆惰農游手不可

天聖四年宰臣王曾言剃度太多皆惰農游手之人無益政化張知白曰

臣任樞密日嘗斷劫盜一火皆是僧行上曰自今懲革勿使太濫

否則曰所度皆亡賴

姦人不可

嘉祐三年賈昌朝奏京師僧寺多招納亡賴游民為弟子或藏匿亡命姦人自今皆取鄉

貫保任方聽收納詔從之

其在當時或五十而度一人

至和初陳執中執政因乾

元節聽僧五十度一人既而言或百人而度一人至和元

詔乾元節度僧至熙寧以後則冗濫矣河東修城則以

僧牒熙寧七年給度牒五百熙寧三年陝西糴穀則以僧牒

賜五百道度牒付陝西永興糴本則以僧牒熙寧七年

宣撫司易見錢糴穀熙寧七年其在當時價至百九十千

九百千未止也又至三百千三百千未止也元豐七年

牒已著令每道為錢百三十千檢會夔州路每道蓋熙

三百千以次減為百九十千價高處別取旨從之寧以前重本抑末不以鬻牒為利熙寧以後務末亡本

必以鬻牒為利惟熙寧以前無所利乎此也故自嘉祐

至治平凡七萬八千通十三年計之歲之所度止於六

千也惟熙寧以後有所利乎此也故自熙寧之初至八年

凡八萬六千通八年計之歲之所鬻不啻一萬也

熙寧八年

上批勘會賣度牒數呈有司言自嘉祐至治平總十三年給七萬八千餘道熙寧至今八年給八萬九千餘道

然我朝諸君子嘗有言焉熙寧以前王公曾言其多宋

公祁言其冗熙寧以後程公顥言不鬻錢曾公輔乞並

裁損

並長編

此皆切時救弊之言然亦非知本之論也

我高宗嘗曰一人為僧則一夫不耕其所失豈止一度牒

之利

紹興七年獻言之人有欲多賣度牒者朕以為不然一度牒所得不過一二百千一人為僧則一夫

不耕其所失豈止一度牒之利又曰一夫受田百畝一夫為僧即百畝

之田不耕矣

二十七年上曰今田萊多荒若更賣度牒是驅農為僧且一夫受田百畝一夫為僧

即百畝之田不耕矣朕所以不給度牒者正恐僧徒多則不耕者衆矣噫聖謨洋洋嘉言

孔彰三代而下知本者其惟高宗乎

三公

以太師太傅太保為三公者周也以丞相大司馬御史

大夫為三公者漢也太尉司徒司空為三公者後漢
至唐大抵然也國朝始取隋唐之制命太尉司徒司空
為之後復成周之名以太師太傅太保為之此三公沿
革之本末爾按成王作周官曰立太師太傅太保茲惟
三公論道經邦燮理陰陽書周官全文則太師太傅太保周
之三公也然三公之位實兼六卿之職所謂鄉老二鄉
則公一人初無司存通典注周禮王畿有六鄉每二非鄉則公一人蓋一公領二卿也必親治二鄉蓋與王坐而論道者也成王時周公以公

蕙冢宰召公以公蕙宗伯蘇忿生以公蕙司寇康王即

位召太保爽芮伯彤伯畢公衛侯毛公則是六卿之中

召公畢公毛公亦皆蕙三公之職

尚書顧命又通典按顧命太保領冢宰畢

公領司馬毛公領司空則有芮伯為司徒彤伯為宗伯衛侯為司寇則周時三公蕙一卿之職云云故傳

云司徒公司馬公司空公是也

尚書

杜佑通典以司馬

主天司徒主人司空主土是為三公豈非以公蕙卿職

而言乎

通典或說司馬主天司徒主人司空主土是為三公注云韓詩外傳陰陽不和責之司馬君臣

不正責之司徒山陵崩弛責之司空按丙吉為丞相自謂三公典調和陰

陽本傳王尊劾丞相衡御史大夫譚位三公負下罔上

本傳王根為大司馬杜鄴言根前為三公比周杜鄴傳

則丞相太尉御史大夫漢之三公也然太尉本主兵之

職

漢百官表上太尉御史大夫特副丞相之官同上御史大夫

銀印青綬掌副丞相乃與丞相並列已失古誼況得稱為公乎夫

以大司馬之官得為三公者蓋自武帝寵假大司馬之

權而冠以大將軍之號終漢之世大司馬專主國柄尤

重於相權爾

漢武紀元狩四年初置大司馬以冠將軍之號按漢武帝初命霍光為大司馬外領

軍馬內典尚書具後以御史大夫之官亦得列為三公
董賢王鳳王莽為之

者蓋自成帝從何武之請以御史大夫為大司空自是

遂與丞相鈞禮爾

成帝綏和元年更御史大夫為大司空表上又何武傳云云

杜佑

通典以漢丞相大司馬御史大夫為三公者豈非以權

重而稱公乎

通典注哀帝時議以漢舊無司徒故定三公之名曰大司馬大司徒大司空史記曰

公孫宏以春秋布衣為天子三公漢初因秦置丞相而宏為之則丞相為三公矣又云大司馬大司徒大司空

為三公按後漢志曰太尉公主天司徒公主天司空公主

地則太尉司徒司空東漢之三公也

後漢志太尉公主天部太常衛尉光

祿勳司徒公主人部太僕鴻臚廷然多以九卿為之典通

尉司空主地部宗正少府司農蓋多以九卿為之且周以三公而兼六官後漢以三公而部九

卿似有古意然三公之外復以太傅為上公果何議耶

通典後漢惟有太若三公災異冊免則始於徐防後漢

星流及大雨雹等災異者惟免太尉自三公在外冊拜

徐防為太尉始凡天地災變三公皆免三公在外冊拜

則始於張溫靈帝臨朝始遣使者就長安拜三公封為

列侯則始於崔林初封司空崔林為安陽亭侯自是而

黃初二年又分三公戶邑封子弟
各一人為列侯末年增置太保
晉則加太宰太傅太

保司馬將軍之官而為八公

晉武帝即位之初以安平王孚為太宰鄭仲為太傅

王祥為太保義陽王子初為太尉何曾為司徒荀顗為司空石苞為大司馬陳騫為大將軍凡八公同時並置

惟無丞相馬時拜八公同辰攀雲附翼者也遂以太傅太保為上公宋則仍八公之官而

不名言為八公

宋皆有八公之官而不言為八公也並通典

齊之三公唯有

太傅

通典齊時三公唯有太傅

梁之三公復置七負

梁有丞相太宰太傅太保大司

馬大將軍太尉司徒司空開府儀同三司等官

陳之三公並為贈官

陳以丞相太宰太傅

太保大司馬大將軍並為贈官由魏而齊由隋而唐無所更革皆以太

尉司徒司空為三矣

後魏以太師太傅太保謂之三師上公也大司馬大將軍謂之二大

太尉司徒司空謂之三公北齊皆有三師二大三公之官並置府隋置三師不置僚屬不主事惟置太尉司徒司空以為三公參議國之三事唐復置三師以師範億人儀刑四海置三公以論道經邦變理陰陽無其人則

闕至于國朝其制又有可論者國初以來以太師太傅

太保為三師太尉司徒司空為三公仍唐之制也政和

更制詔三師為三公三公為三少倣周之制也宣和之

末以三公只為階官不復總領三省復祖宗之制也國

初官制大抵沿唐三師三公號為宰相使相之官皆無

所職掌王溥以昭文館大學士兼司空

元輔表太宗太平興國八

年十月溥以昭文館大學士侍范質亦以昭文館大學

士進司徒

太祖建隆元年二月門下侍郎同中書門下平章事昭文館大學士范質侍中左僕射門

下侍郎同中書門下平章事進官司徒此以宰相兼之符彥卿為太師高

保融自守太保為太傅

職源太祖符彥卿為太師此以高保融自守太保為太傅

使相兼之然自國朝以來曠世不除皆元老宿望者始

任其選趙韓王開國舊勳一代柱石其勳孰高焉文潞

公三朝元老聖世著龜其年孰尊焉於是以太師除之

蔡官

制三公之官尤重太師趙韓王以勲文潞公以年方得
之此曠世不除仍自司空五遷方至太師又按元輔表
趙普以太平興國八年十月以檢校太師兼侍中文彥
博至和三年六月以檢校太師同平章事河陽三城節
度王文正公旦自景德三年相至祥符十年免凡十餘

年

元輔表王旦真宗景德三年正月以尚書右丞參知
政事遷工部尚書同中書門下平章事至大中祥符

十年二月旦為
太尉魏國公

呂文靖公夷簡天聖七年相至寶元三

年再相凡十五年

天聖七年八月夷簡以吏部侍郎昭
文館大學士兼修國史元祐四年出

知許州康定元年五月夷簡許州再入以右僕射門下
侍郎同平章事昭文館大學士監修國史至二年九月
以太尉許於是以太尉拜之靖公夷簡皆為相二十年
公致仕於是以太尉拜之靖公夷簡皆為相二十年

以太尉致仕

此國朝盛時寵任三公之意若是其嚴也而先

正諸公任三公之職亦皆有功於國家也政和之間以

太師太傅太保皆古三公之官為宰相之任遂詔依三

代易師為公若復古矣

政和二年詔曰太師太傅太保此古三公之官為宰相之任今

為三師然古無三師之稱合依三代為三公官不然除必備惟其人為宰相之任若除三公即為宰相

三公者即總三省號為公相之任故蔡京以太師總三

省而使宰相居其下不敢與之抗復且丐免書門下省

不欲任樞密之兵柄是制也政和小人以私意為之矣

蔡絛國史補政和廢尚書令侍中中書令改為左輔右
弼未始除授左右僕射改為太宰少宰京為太師總三
省事號公相京丐免門下省蓋以樞
密事皆過門下不欲任兵柄故也
宣和之末以三公

論道之任而總理省務使宰輔備負殊失紹述憲章之

意遂詔為階官不領三省若復舊矣

宣和七年詔令居三公論道之位而

總理三省衆務使宰相備負殊失紹述憲章之意可於尚書復置令虛而不除三公止係階官更不總領三省

然故事親王近屬皇帝子姪官至三公而止蓋有嫌於

任師傅之官自宣和後皇子官率至太傅殊非設官之

旨是制也宣和小人復以私意為之矣

蔡官制故事親王近屬皇弟子

姪官至三公而止蓋有嫌師傅之任也自宣和後皇子官率至太傅甚非設官之旨所以不置用之公孤也

夫三師而為三公以復古制非不善也改三公為階官以復家法亦非不當也然私意一形典章變易一以專師傅之權一以輕師傅之任輕其任者其害小專其權者其害大何者紹興權臣以太師而竊政於是開南北用兵恢復之謀開禧權臣以太師而竊政於是開南北用兵之釁君子推原其故皆蔡京小人作俑之尤也其害豈不慘歟噫可不鑒哉可不戒哉

宰相上

論歷代相職當否

自黃帝首命六相

管子黃帝得六相而天地治通典黃帝得蚩尤而明天道得太常而察地

理得蒼龍而辨東方得祝融而辨南方得風而辨西方得后土而辨北方謂之六相

舜之舉相

十六

通典舉八凱使治后土舉八元使布五教謂之十六相八凱即棄益禹皋陶之倫

而相之

名始立自湯之左右用伊虺

宋百官志成湯以伊尹為右相仲虺為左相周

之左右任周召

通典周時召公為保周公為師相成王為左右亦其任也

而相之負

始定切嘗遠稽歷代近觀聖朝國勢重輕治道汙隆未

嘗不關相業之脩否也大抵周人以宿衛財用閹宦嬪

御之屬統于冢宰故相權專而君心正至秦始皇始分屬諸卿爾漢初不以御史太尉九卿加官之屬侵丞相故相權重而職業脩至武帝始奪其權耳魏晉以來以丞相為尊官廢置不常類以監令管機要之任李唐之興以省長為丞相品高不除類以他官掌政事之要國初以昭文修史集賢為相所用皆端士元豐以左右僕射為相所用非正人元祐雖仍元豐而相職舉紹聖雖仍元祐而相權偏政和以來更革不常至中興而後易平章

之號定丞相之名始為千萬世不刊之典此古今用相之本末也試詳言之嘗觀周人冢宰之尊其所統六十官之屬往往皆士夫所不屑為之務似若褻矣噫孰知

正所以為論道經邦之職歟夫內朝宿衛之士

天官宗伯掌貴

遊子弟

外庭徒役之人

宮正掌宮中徒役

職之卑者也而冢宰得

以統攝之異時侍御僕從所以皆正人者非出於此歟

太府受藏之務司會稽考之任

並天官

事之末者也而冢

宰得以均節之異時用度有節所以無奢用濫賜之弊

者又非出於此歟奴僕熏腐之流闈人宮闈嬪御之職

官人供奉飲膳之後酒人負之至冗物之至微者也而

冢宰皆得以主之異時家齊身脩心和氣平所以無女

寵闈宦之習者豈無故而然耶格心事業於此見之夫

何秦人焚烈周官將古人所以體統維持之具分散四

出宮伯宮正則分入郎中令漢百官表郎中令秦官掌

秦官郎守門衛尉同上衛尉秦官掌宮門衛屯而宿衛

之意失司會太府則盡入治粟內史同上治粟內史而

出納之意壞善人醫師則盡入少府

同上少府秦官掌山海池澤之稅以

給供養屬官有太醫易官導官永巷宦官之屬云

宮人內府則盡入大長秋

同上

秦官私府永巷宦官皆屬焉

而供奉飲膳使令之意至是盡泯衆職

既分大臣莫統而人主宴私玩狎之際心術轉移性質

浸漬無所不至此周人任相之意而壞於秦者此也漢

自高文之時委任大臣責重權尊御史大夫掌副丞相

如詔下諸侯王則御史以其制書詣於丞相同署乃行

是相得預制詔

高紀高帝詔召賢良御史大夫下相國相國下諸侯王表掌副丞相太尉

職屬丞相如匈奴入寇太尉官罷改丞相將兵擊之是

相得兼武事

文帝三年罷太尉官屬黃霸曰太尉官置久矣丞相兼之文帝三年匈奴入寇灌嬰

為丞相將兵擊之

二千石之重丞相罷裁之而列卿無素權之

弊

通典曰漢相得錢二千石申屠嘉欲斬內史晁錯是也

關官之寵丞相請誅之

而近習無預政之患

申屠嘉傳

加官未置而內庭外庭相得

通主之

百官表曰侍中左右曹諸吏散騎中常侍皆加官所加或列侯將軍卿大夫將都尉尚書太府

太官令至郎中亡負按表兩府不得加官孟康曰大司馬左右前後將軍侍中常侍散騎諸史為中朝丞相以

下至六百石為外朝

掾史行部而州郡民事相得盡知之

文帝以十

御史不奉法乃遣丞相
史出刺并督察御史

高皇帝蕭相國之規模遠矣夫

何武帝以來過懲田蚡權專之弊而深抑大臣之職

蚡傳

故自張湯以舞文為御史大夫也奏事日旰天子

忘食而李嚴緘默但取充位青翟庸繆見知得罪而御

史之權日重

初年張湯為御史大夫言事日旰天子忘食議皮幣白金事時李嚴等丞相取充位

又張湯以見知之罪致疾青翟

自霍光以受遺為大司馬也

後改太尉為司

馬內領尚書外領軍馬

本傳光為大司馬大將軍領尚書

而鹽鐵之議

千秋括囊

田千秋傳

昌邑之事楊敞不預

楊敞傳

而大司馬

之權日橫自丞相不敢擅召二千石

田千秋傳

而相不

得統列卿也至使宏羊摧利溫舒峻法九卿更進用事

而事不關於丞相矣

按元鼎五年丞相趙周坐不省耐金死石慶為丞相征伐封禪公家

用少桑宏羊等致利王溫舒之屬峻法免寬等推文學九卿更進用事事不關決於丞相慶而慶但醇謹而已

自游宴後庭而宦者典尚書章奏

通典曰武帝游宴後庭始用宦者主中書

以司馬遷為之而相不得問內庭也至使石顯弄權董賢竊政

並本傳

中官益恣而事權過於丞相矣諸吏居中舉法

應邵曰諸吏得授職如御史中丞

侍中論誣大臣

武帝傳侍中出入禁閤辨論數誣大臣如

嚴助加官權重宰相踈遠是中朝之血脉不關於丞相

府矣刺史得自奏事

武帝置部刺史百官表云

綉衣專遣出使

暴勝

之傳

府掾在內不聞利害是外郡之血脉不關於丞相

府矣五十四年之間凡易相者十有三人亟辭亟罷不

得展布雖至宣帝重丞相之權丙魏伸丞相之職然外

而御史之抗禮

蕭望之

內而宦者之用事

石顯宏恭

又

焉用彼相哉甚而東都以太傅當冢宰之任

後百官志武帝初即

位輒置太傅錄尚書事胡庭

注曰猶古冢宰總己意也二百年間僅除十一人而

己自卓茂至金日磾止十一人

大抵事權盡歸臺閣相亦末如之何

也已矣推原其故武帝安得不執其咎此漢初任相之

制而壞於武帝者此也自魏晉以來相國丞相或為贈

官或則不置間有置者自為尊崇之位多非人臣之職

其真為宰相者往往以他官叅掌機密之事

通典曰按自魏晉以

來宰相但以他官叅掌機密或委知政事者則是矣無有常官其相國丞相或為贈官或則不置自為尊崇之

位多非大臣之職其真是故魏以劉放孫資為中書監為宰相者不必居此官

令而掌機密

通典曰魏文帝以劉放孫資為中書監令並掌機密

晉以張華荀勗

為侍中而居阿衡

同上張華為中書令侍中劉卞謂華曰公居阿衡之地苟勦為中書監侍

中毘贊朝政

東晉以謝安庾亮庾冰之徒並為中書監而皆

稱賢相

東晉庾亮庾冰相次為中書監先是王導輔政以寬和得衆庾亮以法裁物至冰經綸時務朝

野注心咸曰賢相

宋以江湛王僧綽殷景仁王華之徒並以侍

中衛將軍而或任機密或居門下

宋文帝初徐慶之為司空錄尚書事後以江湛

王僧綽俱為侍中任以機密後又以殷景仁為侍中左衛將軍王曇首侍中劉湛四人俱居門下皆以風力局

幹冠冕一時同時稱之

齊有六貴為宰相則如顧命之江祐領軍

之坦之

齊王檢為侍中尚書令嘗謂人曰江左風流宰相唯有謝安蓋自況也明帝顧命江祐兄弟及

始安王遙光尚書令徐孝嗣領軍蕭坦之更曰理物時呼為六貴皆宰相也梁以叅機事為

宰相則如尚書令之何敬容僕射之徐勉梁何敬容初為吏部尚書

侍中時徐勉為僕射北齊謂登台鉉稱宰相者則如司叅掌機事並為宰相

座之韓軌北齊韓軌為中書令專授司座自以熟歷登台鉉侍中之趙彥琛北齊

趙彥琛為宰相兼侍中並通典按此則或掌機密或管朝政或為侍中

或給事中或受顧命皆為宰相也通典云然自晉宋數

朝以風流相尚以元虛為宗靚白署空稱為清貴同上

省牒按簿鄙為流俗何敬容獨勤庶務為世所嗤鄙卞壺以臺閣之務頗欲綜理阮孚曰

不亦東山勝遊蘭亭名會事肥遯也龍章鳳姿壁立千
勞乎
刃飾儀槩也雌黃陽秋崇辭致也玉塵蒲葵尚放曠也
棄禮法如土梗視義理如桎梏朝綱廢弛衆職隳廢卒
致夷狄亂華之禍豈非清談廢事之咎歟此魏晉而下
任相然也自隋始以尚書令僕射中書令侍中為宰相
亦有他官叅與焉如楊素為僕射掌朝政柳述為兵部
叅機事之類
通典云唐因隋制初以三省長官議國政
而為宰相其後以太宗嘗為尚書令臣下避不敢居由

是僕射為尚書省之長與侍中中書令號為真相品位既崇不欲輕授故常以他官居職無有定負但加同中書門下三品及平章事知政事叅知機務叅與政事及平章軍國重事之名者並為宰相亦漢行丞相之例通典

大唐侍中中書令是真宰相其餘以他官叅掌者無定負但加同中書門下三品及平章事知政事叅知機密叅與政事及平章軍國重事之名者並為宰相亦漢初行丞相事之例也韓安國為御史大夫行丞相事餘並百官貞觀間李勣以太子詹事同門下三品而同三品志

之名立李靖以疾辭位詔三兩日一至中書門下平章

事而平章之名立

同上

杜淹以吏部尚書叅預朝政魏

徵以秘書監叅預朝政岑文本為秘書郎兼直中書省

專主機要張亮為刑部尚書亦叅朝政而知政事叅機

務之名始衆此他官上兼宰相職也至宰相又復下行

有司之事如杜如晦本為侍中既攝吏部又監東宮兵

馬房玄齡本為僕射既監國史又領學官

並本傳

終唐

之世相無常職亦無常負乃至守本官為之而有守如

故判如故之目坐政事堂而分決本司之事或至數十

人同時為之甚至出為帥臣亦為外宰相之稱

同上故

三為宰相皆兼兵部前後出鎮三佩相印且不寧惟是

時方用兵則為節度使時或崇儒則為大學士時急財

用則為益鐵使

同上

其不足取法初非一端此非貽謀

之未善歟雖然貞觀開元盛時名稱雖煩而事業無廢

職位若異而機務不隳有如英衛智勇房杜謀斷王魏

規諫姚宋正變亦何愧於爰立之命自後用者非賢賢

者不用禍變迭興不可枚數唐之相業始不足取張曲

江峭直剛方噓吸雲雨惜也相位不留而李林甫之姦

諛用焉是以有范陽之變

崔群傳世謂祿山反為治亂分時臣謂罷張九齡相林甫

則治亂固已分矣

陸宣公論諫仁義言之藥石惜也杜門却掃

而盧杞之邪謀進焉唐是以有涇卒之亂

唐舊史曰雖知非竟遂於

楊炎而受佞不忘於盧杞

取延齡之妬謀罷陸贄之相位貞元之辰吾道窮矣唐贄德宗猜忌刻薄用盧杞

趙贄則至於敗亂而不悔注德宗用盧杞以趙贄判度支及涇卒亂始曰不稅間架裴晉公身係

安危朝廷柱石惜也讒言一入

裴度為綠野堂而錘昇之小人

信焉唐以是有閹宦之禍

唐贄憲宗晚節信用非人不終其業而身罹不測之禍尤

甚於順宗注信用程昇皇甫鎔數暴怒恚憤左右繼踵問罪而不自安故中人王守澄陳宏志等由是弑帝於中和可勝嘆哉此唐之任相然也又接下篇

宰相下

論本朝相職得人先論因革後論人材

國朝制雖沿唐而實異於人蓋三省為空官而以平章

為宰相惟其真加侍中則不除平章

職源國朝沿唐舊制凡命相必曰同

中書門下平章事即真拜侍中者不復言平章事然國初止除范質趙普亦未嘗除人累朝因仍三省長官尚書中書令侍中僕射不與政皆為空官特以寓祿秩品位而已至平章而分為三等帶昭

文為長修史為次集賢又其次

蔡官制云

是制也自建隆以

後用之三省各蒞職而以左右僕射為宰相左相必兼
門下侍郎右相必兼中書侍郎然中書取旨具權獨重
至有右僕射除吏左僕射有不預聞而有當稟左相必
送中書右相更不欲行是制也元豐小人以私意用之
後因呂公著同舟共濟之請三省同得取旨以革元豐
之弊召潞公元老於二相之上以太師平章軍國重事
而兼用祖宗之法是制也元祐大臣以公心用之夫何
紹聖以來偏重左相事之合送中書者但自尚書徑上

門下子厚用之而李清臣莫之勝蔡京效之而趙挺之

莫之制蓋竊元祐之制以行其私也

呂大防欲用楊畏為諫議大夫范純

仁不可大防素稱畏敢言密約畏助己竟超遷畏元祐間畏言神宗更法以垂萬世即疏章惇乞召為相又

紹聖元年清臣首唱紹述曾布密論趙挺之建議紹述曰吾當用能紹述者勝之遂召蔡京

政和以

來更左揆曰太宰右揆曰少宰而太師總領三省之事

號為公相蔡京為太師領省務而權益盛王輔為太傅

總省政而意益私亦竊元祐之制以專其政也厥後建

炎盡革前弊始罷太宰少宰而復左右僕射乾道復罷

左右僕射而改左右丞相

政和間更左揆曰太宰右揆曰少宰而以三師三公是謂

宰相皆康末詔依元豐故事復為僕射左右僕射必兼門下中書侍郎建炎三年呂頤浩言被旨將元祐中司馬光建請併省奏召侍從叅詳宰相不兼兩省侍郎而復祖宗之舊為同中書門下平章事職畧中興會要

乾道七年詔丞相總齊百揆贊襄治道事無不統而僕射之官名實未稱宜倣周漢之制明年改尚書左右僕

射為左右丞相中興會要

至是而相之職名一定而不易竊嘗

因國朝之制而求大臣之事業矣昔藝祖之開基也前

代之相揆席終留箕子其仁也

范質王溥魏仁浦

開國元勲金

匱有書周公其忠也

趙普

以吏侍而拜門下者方重自

居

開寶六年九月吏部侍郎叅知政事薛居正門下侍郎同中書門下平章事居正為人方重不事苛察

以樞密而除集賢者清節自守

同上沈倫為樞密副使尚書戶部侍郎拜中書

侍郎同中書門下平章事集賢殿大學士

迨至太宗念舊臣而留沈薛開秘

藏而名中令獻策而擢齊賢

沈倫清介在相位自守而已薛居正為人方重不事

奇察太宗任沈倫薛居正六年太祖幸西京洛陽人張齊賢獻十策太祖召見齊賢以手畫地條陳太祖善其四策齊賢堅執皆善及還語上曰我幸西京惟得一噫張齊賢耳我不欲遂官爵之汝異時可收以自輔也

豐水有芑貽厥孫謀培植人材之功深矣以至歸囚一

詠陰諷君德

李昉

烹鮮一語有裨治道

言行錄淳化三年太宗謂宰相

曰治國之道在乎寬猛得中呂蒙正曰老子稱治大國若烹小鮮夫魚擾之則亂近日求更制度者甚衆望陛下清化下助與蒙正之善於規諫進思賢從諫之對李琪無

喜賞懼挫之心

呂端

琪與端之深得相體若乃盧多遜之

貝錦今日譖趙忠獻

太宗即位普為盧多遜所譖出守河陽上一旦發金匱得書大悟遂

遣使急召之既至復為相明日毀李文正盧多遜與李而多遜遂貶朱崖言行錄明日毀李文正盧多遜與李不疑多遜知政多毀助后太宗語及遜事一斤嶺表終助為解釋太宗曰多遜常毀卿一錢不值

身不用讒者既去稂不傷稼此皆我太宗之明哲也真

宗嗣位二呂一張復秉鈞軸

真宗朝呂端為相五年呂蒙正為相三年張齊賢為

相亦一時風采繼者益善水旱屢奏嘆曰聖相咸平見錄

三年

德中李文靖沆在相位王文正旦知政事時遣報日聞

二公不皇文正嘆曰安得及見太平吾輩優游矣文靖

曰外患足以無懼異日天下雖平上意浸滿後必朝陵

展禮文正嘆曰文靖聖矣故當時謂文靖為聖相又

龍川志云李沆為相王旦知政事沆日取四方水旱盜

賊奏之且以為細事不煩聖聽沆曰人主當知艱難不

然血氣方剛不留意聲色犬馬則土木甲兵禱祠之事

作矣吾老不及見此此叅政他日之憂也及旦親見王

欽若丁謂等所為乃嘆風範端凝目曰貴人沆之賢也

曰李文靖真聖人也

李沆常侍曲宴太宗目送之江淮命使深戒竭民薛簡

曰李沆風範端凝真貴人也

天禧初為江淮發運使辭王文正公無他語但江西

曰江南民力竭矣薛退而謂人曰真宰相之言也

遣漕亦懲推利旦之公也

言行錄張士遜出為江西轉運使辭王文正公於政事堂

且求教王文正曰朝廷推利至矣士遜起謝

始除端揆廚絕飲宴

上語李昌武曰敏中

門下今日賀客必多卿往觀之昌武候丞相歸乃往見丞相方謝客門閤悄然昌武與同親徑入見之徐賀曰

自上即位未嘗除端揆此非常之命公但唯唯既退復使人至庖厨中問今日有無親戚賓客飲宴者亦寂無

一人明日入對上問昨日見敏中之意何如乃具以所見對上笑曰向敏中大耐官職

累在衡軸

門無私謁敏中之耐也

言行錄敏中傳公性端厚明辨累在衡軸門無私謁諸子不令

釐以相才力薦而薦朽自謙

畢士安初知政事入謝帝曰未也行且相卿公謝曰

臣材薦朽不足以勝任惟冠準魚資忠義此宰相材也帝曰然當藉郡宿德以鎮之不閱月拜公平章事寇公

並命而以公監以名節自厲而險夷不易言行錄畢士安傳公資端

重偉儀觀少以名節自厲貫于險夷至長不易平生無一語過差畢士安君子人也謂帝

寇公曰畢士以幸汾為非天意李迪言陛下幸汾毫土木之後過往時幾百倍

今旱蝗之變殆天以內藏為備凶荒同上公曰祖宗初意所以儆陛下也

北故土及以備凶荒今邊無他廢陞李迪敬天愛民之下用此以便國用民不勞矣言行錄

誠也至如寇萊公之忠節豈非數公之推轂納交者與

澶淵之後親扶日轂尺箠答之蘇內翰作寇公神道碑惟彼北戎

彼萊公尺三十餘年絕無邊塵之警社稷之功寔加尚節

之夫何小人萑菲之言易入而萊公之迹屢辭屢罷

釁鼓之言為國謀也

澶淵之役唯萊公首次親征時陳堯叟請幸蜀王欽若乞幸江

南上召萊公問之公曰不知誰為此謀者王欽若不

臣欲得獻策之人斬以釁鼓然後北伐耳

堪倡為投瓊之譖而公反出主北門之鑰矣

公鎮大名州北使道

由之謂公曰相公望重何以不在中書公持鬚之責為曰皇上以朝廷無事北門鎖鑰非準不可

公言也丁謂不平遽為下石之舉而公復涉雷陽之波矣馮拯小人依附邪黨絕無一言及之嗟夫一萊公也前數公之賢則薦之愛之後數子之姦則排之陷之君

子小人其柄鑒也如此所幸仁皇維持公論收拾善類
為寇之朋者茹茅類進為丁之黨者莠稂盡除故丁謂
馮拯王欽若之佞貶斥殆盡至張士遜以曹利用之進
雖既用而亦罷王曾李迪之賢登用恐後至張知白以
嘗不阿欽若亦亟擢而就用

仁宗謀相王曾薦呂夷簡
曹利用薦張士遜利用既

得罪士遜亦罷李迪曰丁謂好邪利用馮拯亦相朋黨
王曾言謂合雷允恭擅移皇堂於絕地太后怒貶謂王
欽若為相張知白參政與
議論多不合以疾辭位不特此也王隋陳堯佐以老

病不和而去

別錄云韓琦常言天下事不如
人望者多仁宗王隋陳堯佐為輔相皆老

病而不和中書事多而去韓不中立呂夷簡以斥逐

二人叅預又頗以私意害公皆請罷之

臺諫而去仁宗廢郭后夷簡飭有司無得受臺諫章奏貶孔道輔范仲淹王曾斥夷簡嘗紀賂市恩

罷相判許州

至于慶厯陰消陽長帝賚良弼故光輔王室中

外嬉遊

溫公撰韓公琦祠堂記故能光輔三朝大濟艱難使中外之人舖吸嬉遊自若曾無驚親傾聽

切語之警坐置天下於大寧公之力也

而向所施行杜衍亦以時上之衍

亦若人也

是時仁宗以天下多事急於求治因詔輔相杜衍曰朕用韓琦范仲淹富弼皆中外人望

有可施行宜

麻拜中庭縉紳相賀而用賢堅信龐籍力

請之籍亦若流也

文彥博與富弼同拜宣麻之日士大夫以得人相慶天下謂之文富上曰

吾得二相賢於
夢卜矣長編

公亮受遺責重節堅而亞勲定策之碑

屹立焉

曾公亮嘗與韓忠獻公力贊仁宗早建太子以
為天下萬世之本至是感悟儲貳乃定配享英

宗廟庭篆其碑首曰兩
朝顧命定策亞勲之碑

晏殊不求恩澤而天子勤渠之

問有寵焉

公為相務薦賢范仲淹孔道輔皆出其門未
嘗為子弟求恩澤其在陳州上問宰相曰晏

殊居外未嘗有所請其亦有所欲耶宰相告公
公自為表問起居而已故及薨天子哀悼之

昌朝學

問得象謹重而聖德一詩濃墨大書侈言而為盛事焉

是時也左臯右夔前伊後周不是過也至使執中之俗

吏且以至公而結主知

東坡志林云軾謂陳執中俗吏
耳持以至公猶能取信於上

宋庠之無所作為不失為雍雍有德之君子

廬史宋元憲雍雍然

有德之君子也既參大政朝廷無事日閱文史後既登庸尤務清淨無所作為有為者病之公嘗自謂時賢多以不才誚我因為自詠詩曰我本無心士終非濟世才虛舟人莫怒疑虎石嘗開蚊負愁山重葵傾喜日來欲將嘲強解真意轉悠哉梁適劉沆雖貪黷挾私而亦不得逞其慾

馬適劾梁適貪黷怙權罷相知鄭州劉沆在相疾言者屢加裁抑出范師道趙抃張昇言沆挾私出御史罷相知應天府四十二年之治諸公之力多矣自熙寧大臣收用

新進韓富二公甘心解職絳與升之引類彈冠此固不待議耳有如安石之得志也公亮為國家舊臣唯唯不

言倒戈晚節及安石之罷相也吳充素排新法至主國
事置而不議噫風俗移人趨者瀾倒而能砥柱中流者
幾何人哉繼以柔懦之王珪剛詐之蔡確末年天子雖
有革弊之念惜乎論道之非人矣哲宗初年罷蔡確去
韓縝潞公司馬公著之舊望既相於前純仁大防劉摯
蘇頌之諸賢復踵於後拯溺救焚改絃易轍天下凜凜
慶厯嘉祐之治惜夫調停一唱玉石同區章子厚何人
哉起自謫籍濫居左揆變亂溫公之典刑講明金陵之

故事一暴未幾十寒已至元祐善政影響不存迨及建
中曾布忠彥對持相衡忠彥不能制布之巧反引蔡京
以勝之京也得志姦邪百出馴至中原之變有甚元豐
紹聖小人之用心蓋不勝誅也天意祚宋人材輩出中
興以來風采一新莘夫渭老際會風雲立政立事毋愧
國朝諸君子之事業噫必有如徂徠者賡慶厯之詩侈
中興之盛愚何幸親見之

樞府

樞府之官何始乎曰自唐始也名肇於開元官設於永泰權重於五代而其制其意至我朝始詳且密此其大畧也按唐開元間張說為相改政事堂號中書門下列五房于其後有樞密房以主曹務本相臣以統之唐百官志

開元中張說為相改政事堂號中書門下列五房于其後一曰吏房二曰樞密房三曰兵房四曰戶房五曰刑禮房分曹以主衆務宰相無所不統未始付於他官僅有其名未有其官

也自代宗永泰置內樞密使以宦者董廷秀為之元和則命劉光琦長慶則命王守澄不置司局不立僚屬惟

承受表奏於內進呈

永泰中宦官董廷秀叅掌樞密事
元和中劉光琦梁守謙為樞密使

長慶中王守澄知樞密事舊左右軍容多入為
樞密廨署三間貯書櫃而已續通典餘見下注若人主

有所處分則宣付中書門下施行而已僅有其官爾未

重其權也

以宦者為之初不置司局但有屋三楹貯文
書而已其職掌惟承受表奏於內中進呈若

人主有所處分則宣付中書門
下施行而已呂原明家塾記

迨至僖昭之間楊復恭

西門季元欲奪相權建置條目乃於堂狀貼黃指揮公

事此其分權之漸

舊左右軍容多入為樞密廨署三間
貯書櫃而已亦無視事之廳後僖昭

時楊復恭西門季元欲奪宰相權乃於堂
署後貼黃指揮公事此其始也續通典後梁用士人

而易閣宦改密院而為崇政特命敬翔為使謀議中朝
備問左右尚未專事於外至唐以後復名樞密往往以
宰臣兼之唐用郭崇韜晉用桑維翰周用范質王溥皆
天子腹心之臣得議軍國大事其權與宰相等至是始
重矣藝祖受命以東府掌文事叅政佐之西府掌武事
副使佐之百司長官及監司長吏皆得專達或奏朝廷
或申中書事大則進呈取旨除敕宣命而小則批狀直
下本路本州故文書簡徑無滯有使有副使有簽書有

同簽書有知院有同知院使副則始命魏仁浦趙普簽

書同簽則始命石熙載郭逵知院同知則始命張遜溫

仲舒

國朝樞密院與中書對符文武二相號為兩府建隆元年以魏仁浦吳建祚為樞密使趙普為副使

周未闕副使至是始置太平興國四年以石熙載為樞密直學士以簽書院事簽書之名始此淳化三年以張

遜知院事溫仲舒冠軍同知院事同知院之名始此治平中以郭逵同簽書院事同簽書之名始此舊制樞密

院有使則置副使有知院則置同知院會要且不寧惟是有不帶正官充使

如趙普為檢校太尉充樞密使是也有樞密帶節度如

曹彬為檢校領忠武節度是也或以文官充使則始於石

熙載為戶部充使也或儒臣以樞使兼使相則始於王

欽若等守本官檢校太傅同平章事充使也

五代置樞密使國初

因之建隆三年趙普為檢校太尉充樞密使不帶正官充使自普始也開寶九年曹彬為樞密使領忠武等節

度使樞密帶節度自彬始也太平興國六年石熙載為戶部尚書充樞密使以文資正官充使自熙載始也祥

符五年王欽若陳堯佐並守本官檢校太傅同中書門下平章事充樞密使儒臣以樞密使兼任相自欽若等

始也聖朝職畧非制之詳耶然國家立極五代弊政掃除殆盡

獨此不廢盖有慶歷議臣請併中書而仁宗不之併

慶歷

張方平言樞密院起於後唐權宜之制諸罷併其事於中書不報

元豐議臣請廢密院

而神宗不之廢

元豐改官制議者欲廢密院歸兵部神宗曰祖宗不以兵柄歸有司故專命官

統之互相維制不從續會要

推原其故其美意有二盖宰相平章軍

國兵事可知也而兵之籍則不與殿院兼總兵馬兵籍可掌也而兵之符則不在發兵大權盡歸密府體統相維固有偏失噫車徒之數司馬所掌調發之權冢宰所主周人維持之意而我朝得之此其意一也邊事興則相與其職邊事寧則樞任其事西師之興以宰相呂夷簡章得象等兼樞密未幾以兵休而罷渡江之初以宰

相張浚等兼樞密未幾以邊寧而罷噫蠻夷之事特專
作士誓師之舉亦命宅揆虞廷文武相通之意而我朝
得之此其意二也制雖漢唐意實倣古夫如是何嫌何
疑而廢之耶是職也氣節清謹者任之而輕險奸回者
不與也威望隆重者居之而浮薄淺陋者不與也是故
風寒親幸決策江南杯酒從容藩臣解職趙中令之為
有功始平西蜀囊無寸錦終克金陵民皆安堵曹武惠
之為稱職太祖所任樞臣者八人而趙曹為之冠

曹彬
趙普

吳延祚李承矩王仁瞻罷綏州之後而時論所稱辨繼
李處耘楚昭輔魏仁浦

隆之奏而力爭不已時有錢宣靖焉

玉壺清話曰時言者請城綏州積兵

禦黨項詔公自魏乘疾傳往按至則乞罷其役時論題
之記聞李繼隆與轉運使盧之翰有隙欲陷之罪丞

相呂端等皆不敢言權未命之初天子已有飛白之記
樞密副使錢若水言之

既除之後復有邊政有望之喜時則有向文簡焉

太宗飛白

書張詠向敏中二人名付中書曰二人者名臣為朕記
之向公自負外郎為諫議知樞密院止百餘日咸平四

年除平章事出知永興駕御澶淵手賜
密詔令付西鄙得便益從事歸田錄

太宗所任樞臣

者十六人而錢向為之首

曹彬錢若水向文簡寇準楚昭輔石熙載王欽若王沔張

先張昌言楊守一張士遜溫仲舒劉昌言趙鎔李惟清

契丹叛盟非細故也而萊

公親扶上轂尺箠答之

萊公在淳化為同知在至道為參政又為樞密使同平章事

契丹請盟若少安也而馬知節言邊論兵未嘗少置真

宗之所任樞臣者二十九而寇馬又其卓卓者

曹招陳克叟曹

利用宋湜薛魁寇準向敏中馮拯馬知節周起趙鎔曹珪王顯周瑩王惟美王繼英薛宗訓曹武穆李惟清任

中正張著張士遜夏仕嶠楊礪韓宗訓張旻

迨至慶厯名賢輩出天下兵數

更為圖籍邊防屯戍必加全補憂邊瑣也

歐陽脩

北伐

虜寇南平蠻獠料敵制勝名將莫加有武功也

狄武襄

有契丹仰望而稱嘆得人者

王德用

有士夫聞報而酌

酒相賀者

范仲淹

有天下顒顒望致太平者

田況

以率

履予以重集予勅以夔契予弼魯人石介慶厯一詩濃

墨大字若縱口而談古人噫盛哉自是而後治平則有

文彥博

治平元年十月
文彥博樞密使

元豐則有呂公著

元豐元年呂
公著同知樞

密院三年遷
為樞密副使

元祐則有范純仁

元祐元年六月范純
仁同知樞密院事

皆

正人也皆有益於國家也噫天降時雨山川出雲氣類

相感非偶然爾雖然有自來矣王顯之為使也學問寡

陋天子特取軍戎三篇以賜之慮其不學問情矣夏竦

之除樞也衆議紛紛天子親書文行忠信四字以勉之

慮其有忝厥職矣

慶曆三年

天涵地育故應有此然此特上

人之力也有若先正諸賢維持公論彥卿主兵趙中令

以宣懷之

太祖欲使符彥卿典兵宣已出趙韓王懷之請見出彥卿宣進之上曰宣何以復在卿所

韓王曰臣托以處分之語未備復留之

張耆為使晏殊以力爭之

晏殊傳天聖中

太后以張耆為樞密使殊言朝廷雖乏賢亦宜以中才處之如耆者但富貴之可也

宋約為簽書

王金陵謂與牛仙客無異

熙寧初以宋約為簽書王安石云與明皇牛仙客無異

郝質欲在西府韓公琦謂不可比狄青

韓琦傳

白麻未

追言者十八

夏竦

簽書未愜臺諫交章

郭遠傳

噫祖宗

涵育既如彼先正維持又如此則堂堂北樞孰非正人
端士乎

六部 論古今六部分合

周之分典其職有六唐之設官亦如其數然則唐之六

部其源流於周歟

通典注自宋齊以來分定為六曹稍似周禮至隋六部具制益明大唐武

太后遂以吏部為天官戶部為地官禮部為春官兵部為夏官刑部為秋官工部為冬官以承周六官之制

蓋尚書舊不分曹而分曹始於西漢尚書舊不以曹名

為號而定號始於東都

成帝建始四年置尚書五人一人為僕射而四人分四曹各有

其任又置三公曹是為五曹尚書舊不分曹至是始分曹通典注光武親覽吏職改常侍曹為吏部曹主選

舉齋祀事漢末改吏部為選部靈帝以侍中梁鵠為選部尚書舊尚書雖有曹名不以為號至是以曹名為號

晉志魏晉而下或分而五或析而六未有定負也

魏有五曹晉置

六曹渡江有五尚書宋齊梁各有六尚書陳置尚書五員後周依周官置六卿隋改為六部尚書

唐因

隋制六典建官而六部之制始定

唐因隋制六典建官

國朝鑒藩

鎮之弊乃以尚書郎曹出領外寄皆為定官特以寓祿

秩序品位而已

國朝太祖太宗鑒藩鎮之弊乃以尚書郎曹寺官出領外寄三歲一易坐鎮外

重分裂之務尚書侍郎郎中員外郎與九寺五監皆為定官特以寓祿秩序品位而已省臺寺監往往他官兼領神宗即位慨然欲更其制熙寧末始命館閣校唐六典元豐二年以摹本賜羣臣乃置局中書命翰林學士張璪等詳定八月下詔肇新官制凡省臺寺監領定官者一切罷去而易之以階五年詳定所上寄祿格而省臺寺監之官各還神宗慨然舉六典之制而盡復之向所職矣中興會要

之曹局各還所職時元豐五年也

見上注

而六部之名

始復至侍郎之名漢已有之而今侍郎之任則自隋置

也

侍郎之名舊矣漢凡諸郎掌更直執戟宿衛諸殿門以侍衛之故通謂之侍郎至隋煬帝六年尚書六曹

各置侍郎一人今之侍郎其郎中之名漢亦有之而今置自此始也六典及通典注

郎中之任則自唐置也

漢三署郎有郎中之名主作文書唐置六部郎中通典注負

外之名古未有之而負外之官則自隋置也

通典隋開皇三年尚

書二十四司各置負外郎一人此六部分局設屬之源流爾愚嘗推攷

古今設官之意蓋周之六卿統於大臣故若分而實合

唐之六部紊於寺監故雖繁而實曠元豐以前名雖未

正而事權歸一實有得於周元豐以後制雖盡復而冗

負未併未免類於唐然則循周之制復周之意其在今

日乎夫周以冢宰征師於諸侯司徒以旗致萬民宗伯以軍禮同郡國司馬大合軍以從司寇凡周人兵民之權若不歸於一也

並見周禮本官注

而不知實以三公兼之則

其權未始分異時呂伋虎賁逆王之日盖太保命之而不見其危疑卒遽之事則是三公統之之由也

書顧命

邦布出入掌之外府金玉收藏掌之玉府九貢九賦之入掌之內府其他如幣帛之物租賦之用泉布之利散主於六官之屬者若不一也而不知皆大臣得以均節

會計之

天官太宰

則又曷嘗不一哉異時上之人無用度之

私下之人無賜予之濫則是又其區處財用之有人也
豈非周之六卿統於大臣故若分而實合歟唐一尚書
之分為其屬者有四為二十四司矣二十四司之分
佐其長者有三為侍郎郎中貲外矣今僕率其屬丞
郎分其行郎中貲外判其曹則何所不包亦何所不任
夫何六部之外又有九寺九寺之外又有四監戶部之
財散於司農少府禮部之儀裂於太常鴻臚光祿勳與

膳部之權衛尉掌庫部之事太僕侵駕部之職其餘四
監又以兵禮二部之所掌者而紊之不亦幾於繁乎夫
惟職掌太繁其勢必至於虛授是其繁也乃所以為曠
也

百官志

故杜佑言繁之弊有二垂二契二伯夷二伯

益之說

杜佑省官議昔臯陶作士正五刑今刑部尚書大理卿是二臯陶也垂作共工利器用今工部

尚書將作監是二垂也契作司徒敷五教今司徒戶部尚書是二契也伯夷職宗禮今禮部尚書禮儀使是二伯夷也伯益作虞掌山澤今虞部郎中都水使者是二伯益也伯景太僕掌車馬今太僕駕部尚輦奉御閑廐

使者是四伯同也

陸長源言其曠之弊則兵部無戎帳戶部無

版圖虞水不管山川金倉不司錢穀之說

陸長源曠官文兵部無戎

帳戶部無版圖虞水不管山川金倉不司錢穀光祿不供酒衛尉不供幕秘書不校勘著作不脩撰官曹虛設

祿俸不請亦知其繁乃所以為曠歟豈非唐之六部紊於寺

監故雖繁而實曠乎國初吏部則審官流外三班主之

戶部則三司使判之

職畧聖朝雖沿唐制設吏部然而名存實廢典選之職自分為四文

選二曰審官院曰流內銓武選二曰審官西院曰三班院戶部判院事一人以兩制以上充凡戶口田產金穀食貨之政今皆源流於三司上本曹但受天下之土貢充會陳庭而已禮儀之事歸之太

常貢舉之政領之貢舉則禮部職也四方奏案歸之審

刑在京獄訟委之糾察則刑部職也

國朝禮部判部事二人以兩制臣帶

職朝官以上充凡禮儀之使悉歸於太常禮院而貢舉之政領於知貢舉官本曹但掌制科舉人補奏太廟禮

齋郎室長掌座都省集議等事刑部尚書侍郎郎中正為階官而刑部判部事二人以御史知雜以上或朝官

充淳化二年以刑部復大辟案增置審刑院凡四方以其獄來上則獄於審刑院大中祥符二年置糾察在京

刑獄內兵部事歸樞府工部事歸三司

國朝兵部判部事一人以兩制

充凡天下兵籍武官選授及軍旅卒戍之政令悉歸於樞密院工部判部事一人以兩制以上充凡城池二役

皆隸三司修造故此二部不設主判多以別官兼之蓋案本曹無所掌

國朝樞密主兵三司主財權重任隆往往與中書埒則

合兵工之部而歸之矣以名而論之稱號未正體統不

立若不及於唐爾然總戶部工部之務盡歸三司得以

權具有無制其出入而無蠹耗之弊

察官制三司主財計至造作軍器則

冑案主之土木之工隸修造案河防之役隸河渠案且國家工役之費無出於此三事其所能為蠹耗之大者必命三司總之乃可節以制度也 舉兵部三衙之籍盡歸樞府得以上

下相維彼此相制而無有握兵之慮

范祖禹言祖宗兵法本於樞密有發

兵之權而無握兵之重京師之兵總於三帥有握兵之重而無發兵之權彼此相維不得專制此所以百三十二年無兵也 此元豐以前名雖未正而事權歸一實有得於

周者是也元豐以司封司勲之屬歸吏部以度支倉部
歸戶部之二部也事劇務繁則侍郎之貲二而郎中之
貲四曰禮則祠部主客而下屬焉曰兵則職方駕部而
下皆屬焉曰工則屯田虞部而下屬焉之三部也曹閑
局冷則侍郎之貲一而郎中之貲二

尚書六部吏部一
尚書二侍郎分掌

四選吏部司封司勲考功屬焉戶部一尚書二侍郎分
左右曹而戶部度支金部倉部屬焉禮部一尚書一侍
郎禮部祠部主客膳部屬焉兵部一尚書一侍郎兵部
職方駕部庫部屬焉刑部一尚書一侍郎刑部都官比
部司門屬焉工部一尚書一侍郎工部屯田虞部水部
屬焉每部郎官二貲知州以上資考及階官朝議大夫

以上為郎官也餘負外唯吏戶刑三部郎官各置四負以其刺曹也至於刑之一部都官

比部屬之刑部司門屬之其曹稍繁其事稍詳則侍郎

之負一而郎中之負四而又糾以都司

左右司郎官各二負通糾六部

號都司專佐宰相理省事謂之宰屬

察以六察

元豐五年詳定官制所言朝廷以天下事分六曹以

治之都省以聽之六察以察之六曹失職則都省在所糾都省失糾則六察在所彈上下相維如繩之

貫如畫棊局井井乎有條也以制而言之小大有倫燦

然可觀若有同乎周爾然寺監之負未歸六曹不免有

叢冗之弊

元豐三年劉安世言先帝時寺監長貳多不並置今省曹所減止十餘負寺監所增仍倍

乎昔故望參酌典故凡寺監事歸之六曹者宜盡省之

三監之權未合戶部而不

免有渙散不相通之患

元祐四年蘇轍言愿詔都水軍器將作三監隸戶部

此元

豐以後制雖盡復而冗職未併未免類於唐者此也今

六部星分誠有周人六典之美然事權不一脉絡不通

盡反而正之乎何者戶部之財不豐不責之戶部而流

品之不澄軍功之不實工役之繁具者吏部兵部工部

不得不任其責也刑部之刑不息不責之刑部而制作

之未明教條之未至禮部誠不得不任其責也若此等

類皆寓之以相聯相屬之意則今之官非唐之官乃周之官矣夫復何議



古今源流至論續集卷五

欽定四庫全書

子部

古今源流至論續集卷

七六

詳校官中書臣程炎

主事臣祁韻士覆勘

總校官庶吉士臣倉聖脉

校對官中書臣潘奕雋

謄錄監生臣黃熙純

謄錄監生臣陳太初

欽定四庫全書

古今源流至論續集卷六

宋 林駟 撰

臺官

御史古官也自周迄今無代無之然名雖相沿意實相遠蓋以御史為傳命記事之官者周與戰國也以御史平章報奏而兼察劾之任者秦漢也以御史分為四司專劾百官之過者東都魏晉以來也唐則任彈劾之外而復兼訴訟之事國朝則任彈劾之外而復兼言事之

責此歷代委任之大者也按周官御史五史之至微者

以中士下士為之特小臣之傳命令者耳

周官御史

迨至戰

國獻書多云獻書大王御史

史記

澠池之會秦趙各命御

史書事

史記蘭相如傳

而淳于髡謂齊王曰御史在前凡此皆

記事之任而糾察之責未聞焉此蓋周與戰國制也

通典

曰御史之官周官有之蓋掌贊書而授法令非今任也戰國時亦有御史秦趙汚池之會各命書其事又淳于

髡謂齊王曰御史在前則皆記事之任也

至秦人主日親政事以操其下侍

御僕從其勢益親或在中以受文書或在外以主彈擊

通典至秦漢為糾察之任本注曰秦以御史監郡漢初叔孫通新制禮儀以御史執法舉不如儀者是也漢

因舊制御史大夫佐丞相兼統萬幾中丞在殿中掌圖

籍秘書侍御史受公卿奏事舉劾按章

漢表御史大夫秦官位上卿掌

副丞相有兩丞一曰中丞在殿中蘭臺掌圖籍秘書外
督部刺史內領侍御史十五人受公卿奏事舉劾案章

故張蒼為柱下御史明習天下圖書

張蒼傳蒼為御史主柱下方書明習

天下圖書計籍又善算律歷

李文為御史中丞數從中主文書事

張湯

傳湯為御史大夫李文為御史中丞數從中主文書事

陳咸為中丞總領諸郡奏

事

本傳元帝擢咸為御史中丞總領諸郡奏事
課第州刺史內執法殿中公卿以下憚之

此居中

受文書也叔孫通令中執法舉朝會不如儀上見蕭望之

為大夫部按延壽之驕恣

韓延壽傳延壽代望之為左馮翊而延壽遷御史大夫望

之劾奏延壽僭上不道延壽竟坐棄市

嚴延年為侍御史劾奏霍光之廢

立

本傳延年舉侍御史宣帝初即位劾奏霍光擅廢立無人臣禮不道奏雖寢寢朝廷肅然敬憚

此在

外主彈擊也茲蓋秦漢制也至成帝以御史大夫為大司

空置長史而中丞官職如故至哀帝再更大司空之後

迄于東都而中丞出外為臺率專任彈劾始不居中主

章奏之事

前表成帝綏和元年御史大夫更名大司空置長史如中丞官職如故哀帝建平二年復

為御史大夫元壽二年復為大司空御史中丞更名御史長史又後百官志御史大夫轉為司空因別留中為御史專席而坐其職重也後漢光武改為中丞與尚書令司隸校尉朝會皆專席而

坐京師號三驄馬見避其望隆也後漢桓典為侍御史執法無所避常乘驄

馬京都畏之為之語曰埋輪都亭豺狼屏迹張綱為侍御史安帝

時遣八使案行風俗惟綱最官卑年少同日受命各之部獨埋其車輪於洛陽都亭曰豺狼當道安問狐狸遂

奏大將軍梁執法殿陛權倖知畏陳翔字子鱗拜侍御史冀罪惡云云執法殿陛權倖知畏史正旦朝賀大將軍

梁冀威儀不整翔奏請以冀理自是以來權專任重魏罪時權倖知畏並通典及本傳

則簪白筆以奏不法魏置御史八人當大會殿中御史簪白筆側陞而座帝問左右此何

官何立筆對曰此謂御史舊時簪筆以奏不法晉則糾行馬以督百僚通典晉中丞專

糾行馬內司隸專糾行馬外雖制宋則命中外停駐以如是然亦更奏衆官實無其限

尊之同上孝武帝孝建二年制中丞與尚書令分道雖丞即下朝相值亦得赴之餘內外衆官皆受停駐

齊梁以來常命十人居曹以察之齊有十人梁陳皆九人居曹糾察不法

茲蓋東都魏晉以後制也唐制有大夫有中丞有侍御

史有殿中侍御史有監察御史復有主簿內供奉裏行

之員通典大夫一人中丞二人侍御史四人殿中侍御史六人監察御史十人主簿一人內供奉裏行各

如正負大抵臺事大夫總判之中丞通判之侍御史分之半

判之至殿中則糾班序之不整者監察則掌監祭祀諸

軍出使者其餘職事與正同爾

通典御史大夫掌肅清風俗彈劾內外總判臺

事中丞職副大夫通判臺事侍御史掌糾察內外受制出使分判臺事殿中侍御史號為副端閤門之外百僚不序有離立失列言罷而不肅者則糾罰之其正冬大會則戴元豸乘馬加飾監察御史掌內外糾察并監祭祀及監諸軍出使等凡諸供奉及貞元以來曰御史臺

裏行雖俸祿有差職事與正同

則天以後曰肅政臺左臺以察朝廷右臺以察郡縣龍朔改肅政為御史睿宗復詔二臺以察京師太極復廢右臺而左臺專隸尚書省此特沿革之制爾然以職任

論之

武太后時改御史臺為肅政臺凡置左右肅政二臺則置大夫中丞各一人侍御史殿中監察各二

十人左以察朝廷右以懲郡縣二臺送相糾正而左加敬憚龍朔以後去肅政之名但為左右御史臺睿宗即

位詔二臺並察京師資位既等競為彈劾百僚被察殆不堪命太極元年以尚書省悉隸左臺月餘右臺復請

分給尚書西行事左臺大夫乃表請依貞觀故事遂廢後臺而本御史臺官復舊廢臺之官並隸焉戴豸

糾儀縉紳皆整肅也

見下 啻命出使山岳可動搖也

乾封二年

韋仁約曰御史啻命出使不能動搖山岳震懾州縣誠曠職矣 柳範之規拂蕭復之剛

介王義方之抗奏姦人

王義方擊李義府

溫造之望威稱職

並本

傳中書令抑置田宅監察得劾之

韋仁約奏褚遂良

御史中丞

犯狀有五監察亦得擊之

紀履忠劾來俊臣

此不過糾督之任

然舊制御史不受訴訟有通辭狀者立於臺門候御史

出收取採如可糾則糾之略其姓名皆云風彈自永徽

中崔茂元為大夫始任受事得任訴訟矣

通典舊例御史臺不受訴

訟有通詞狀者立於臺門候御史出門外收取採如可彈者畧其姓名皆云風聞訪知求徽中崔義立為大夫始

定受事御史人知一日劾狀題告人姓名或訴訟之事

舊制不主刑獄惟主案劾

提綱而已自貞觀末年中丞李乾祐以囚自大理滋姦

又按事多為棘寺所反乃奏臺中置獄復得主刑獄矣

此唐自彈劾之外而得兼獄訟也

通典舊御史但聞風彈事提綱而已其鞠

案禁繫則委之大理貞觀末御史中丞李乾祐以囚自大理來往往多奸弊又按事入法多為大理所反乃奏

於臺中置東西二獄以自繫劾國朝初無正負止為兼官中丞除正負

外或帶它官者尚書則曰某官兼御史中丞郎則曰御

史中丞兼某官給諫則曰某官權御史中丞事次則知

雜御史副中丞判臺事其屬有三院一曰臺院侍御史

隸焉二曰殿院殿中侍御史隸焉三曰察院監察御史

隸焉三院多在外任風憲之職它官領之

職源聖朝訟唐之制設御

史臺大夫無正負止為庶官中丞除正負外或帶他官者尚書則曰某官兼御史中丞丞郎則曰御史中丞兼某官給事中諫議大夫則曰某官權御史中丞事次有知雜御史二員副中丞判臺事其屬有三院一曰臺院侍御史隸焉二曰殿院殿中侍御史隸焉三曰察院監察御史隸焉舊制三院多出外任風憲之職用它官領

之自太平興國以張巽為監察御史正官舉職自此始也天禧始置言事御史景祐始置御史裏行元豐復置六察其後大正官名不除大夫以中丞為長知雜御史為侍御史言事官為殿中侍御史六察官為監察御史其使名皆除之此特沿革之制爾然以職任論之

太平興國

三年以張戣為監察御史正名舉職自此始也唐制御史不專言職至天禧中始置言事御史其後久不除至慶厯五年殿中侍御史梅摯監察御史李京並為言事御史唐太宗時置御史裏行至景祐中始置以處御史之官卑者唐議臺案有六監司元豐三年李定請復六察於是以前御史專領六察察在京官司又詔御史六員以三員分領察案三員專言事其後大正官名不除大夫檢校官帶憲銜者亦除去以中丞為長知雜御史為侍御史言事官為殿中侍御史六察官為監察御史舊以中丞兼檢理使殿中侍御史兼左丞右巡使監察御史兼監察使至是使國朝之任御史者亦如唐人按劾名悉罷會要四朝志

之任其清勁忠烈尤過之韓琦一代宗臣不押班細故

也而王陶極口詆之

韓琦不押班王陶論琦有跋扈之罪文彥博三朝元

老燈籠錦微失也而唐介抗疏論之

唐介論文彥博以燈籠錦媚後宮求

遷介遂貶春州別駕彥博亦出

呂誨之先見

呂誨為中丞時王安石除參政呂誨首力彈之時溫

公皆以為過後安石行新法溫公始服先見

王素之勁力

王素在臺諫風力愈勁帝曰真御史

也議者目為獨擊鵲鐵面御史

趙抃為御史彈劾不避權倖號鐵面御史鐵肝御史四朝

國史劉顥為御史言事貶蘇軾以詩送有風采凜凜令

烏府先生鐵作肝之句世號為鐵肝御史人膽落此亦不過糾督之任然唐制御御史以局專糾百

官陸長源云諫官須蹇蹇匪躬之士憲官須孜孜嫉惡

之人李華序崔孝公集亦曰直躬正詞擢左補闕嫉邪

忿佞除侍御史直躬故能諫君嫉邪故能察吏是臺憲

無預君德之正否也

長源上宰相書曰諫臣須蹇蹇匪躬之士憲臣須孜孜嫉惡之人李

華序崔沔文曰朝廷以公直躬正詞擢左補闕嫉邪忿佞除侍御史至我朝太宗置言事

御史而朝廷闕失御史得言之

見

呂公著諸賢復言六

察不與於言專察官司復許得言而國家大計六察得

發之又不止區區於指摘群臣細故而已

元豐八年呂公著言御史

大夫比年以來專舉六察故事廢國家利害之大計察官司簿領之細故乞罷六察只置言事御史劉摯又言中丞而下十員然止於中丞侍御史得言事外監察御史六員專察治官司公事文書不與於言請許六察並

許言此國朝自彈劾之外而復兼諫諍也愚以古今御

史之職而歷攷之未嘗不嘆國朝之美意蓋糾群臣之

慝易劾大臣之失為難劾大臣之失固難言人主之闕

尤為不易我國家涵養士氣崇獎直言趙中令開國元

勲固對越神明而跋扈之態未必不自雷德驤一言折

之太祖寵待趙韓王如左右手御史雷德驤劾奏普強市人第宅上怒叱之後其弟有隣復訟其庇吏受賕

上怒按丁謂當軸用事使非臺諫有言則其禍天下非

止如今日所觀者蘇子由云使丁晉公之時臺諫言事必聽其敗已久矣至如申公非諸公

共攻其短其害必有甚也

惟演之麻鞠詠毀之

錢惟演圖相監察御史語右正言劉隨曰

若相惟演當取白麻錢之

堯佐之使御史奪之

張堯佐以女有寵於仁宗一日除四使唐

介論列卒奪兩使

曾不以卑抗尊而為嫌也噫孰知犯人主之

威而尤為難乎雷霆之威犯者必折堂陛之嚴目不敢

瞬人非喪心誰敢冒身於斧鉞之下今先正諸賢感慨

奮發不為之折雖斥之貶之相率以為慶也叩鏜大呼

不曰沽名

明道二年郭皇后見疎仲奄孔道輔孫祖德蔣堂郭勸馬絳段少連宋祁劉渙詣垂拱殿

門伏奏門者闔扉道輔叩銅鏜大呼夷簡以臺諫伏闕非美事乃逐之

叩榻論諫不曰忤

旨石介慶歷聖德詩惟脩惟靖立朝讞讞言論醜阿忠誠特達素相之後含忠履潔昔為御史今叩予榻

濮園之議全臺論列侍御史知雜事呂誨前後十一疏

察御史裏行呂大新防皆論稱親之非新法之論臺府一空蒲宗孟范百祿蘇公范公呂公

皆爭新於是始足見國朝臺論之公耳雖然有由也欲

除御史先擇舉主元祐五年劉安世朱光庭伏觀祖宗故事天禧三年詔諫議大夫賈黃中

知制誥陳知微於常叅官舉公清強敏材堪御史者一人臣等切惟聖訓皆有微旨何者御史之任使以糾察

百僚故須先擇舉主使之引類然亦未嘗專出於執政也選人入臺皆不奉詔熙寧中李

定以資淺入臺三其人皆不奉詔其居之以人者審也諫官御史不兼

職務

天禧中詔諫官御史不得兼職務

入臺十旬無疏者罰

舊制御史入臺滿十

旬無章疏者有臺辱之罰

其責之以言者專也言及乘輿天子改容

語闕廊廟宰相待罪

蘇東坡論

其假之以權者重也鳳凰鳴

矣于彼高岡梧桐生矣于彼朝陽君子推原其故三咏
三歎祖宗待之之厚矣

諫垣

官以諫名非古也自漢武置諫大夫專掌議論於是有
言事之官

漢官表上大夫掌議論有諫大夫皆無負多至數十人武帝置

蓋自周季監

謗秦氏禁言腹誹心謗莫不有罪況敢昌言其事乎西漢以來始懲壅蔽之患特立論諫之員以作天下慷慨敢言之氣豈非夫人之所願然言路之通固自此始而言路之狹亦自此始也觀鄭昌訟蓋寬饒之書曰臣官以諫為名不敢不言蓋寬饒傳昌上書訟寬饒曰臣得從大夫之後官以諫為名不敢不言而鮑宣上書論何武亦曰官以諫諍為職不敢不竭愚鮑宣傳召為諫大夫是時帝祖母傳太后欲與成帝母俱稱尊號宣為諫大夫上書云官以諫諍為職不敢不竭愚上以夫職任諫諍然後得論天下之事而職宣名儒優容之

非當諫者謂其為越職可乎君子惜其職之有所拘也
蓋自唐虞二代盛時不以諫名官而天下皆可言之人
漢唐之世特以諫名官而天下無敢言之人我朝雖仍
諫諍之負而不拘諫諍之職公卿可諫也布衣可諫也
閭巷小民亦可諫也官共漢唐而意實虞周爾試以古
今評之群后四朝敷奏以言諸侯朝宗陳謨謀事則外
之侯伯牧守皆得言矣臯陶作士稽首颺言伯益朕虞
吁咈作戒則內之公卿師長皆得言矣鄭人鄉校得議

執政則草茅賤士皆得言矣瞽誦工諫市議道謗則農
商工賈又皆得言矣是意也行於總章衢室之間寓於
謗木善旌之際見於發言盈庭之時拳拳於都兪規戒
之頃當時諫官之名隱然於其間故曰唐虞三代盛時
不以諫名官而天下皆可言之人是也自諫議大夫之
官置於漢武帝置諫大夫至光武改為諫議大夫補闕拾遺之員增於唐
唐武后垂拱中置左右補闕左右拾遺二官以掌供奉諷諫開元以來左屬門下右屬中書以如是
之名求如是之實霜飛白簡露奏皂囊以輔天子耳目

之任亦美矣然中郎補闕者出綰淮南之綬

汲黯傳臣願為中郎

出入禁闥補過拾遺臣之願也上曰君薄淮南邪出為淮南太守

博士對策者往持江

都之麾

董仲舒對策第一拜為博士出為江都相

是猶可諉者曰非諫負也

非言責也有如劉向戒外戚之專孫寶奏馮后之事皆

以大夫也

劉向傳遷光祿大夫時王鳳秉政倚太后專權向以為外戚貴盛兄弟用事之故不聽孫

寶傳哀帝即位召寶為諫大夫勅傳太后與中山孝王母馮太后俱事元帝有隙傳太后使有司考馮太后令

自殺衆庶寬之寶奏請覆治蕭望之以諫官而出補郡

吏王吉以諫大夫而上疏見疎皆以諫官也

蕭望之傳是時選博

士諫大夫通政事者補郡國守相以望之為平原太守望之上疏曰悉出諫官以補郡吏所謂憂其末而忘其本者也朝無爭臣則不知過國無達士則不聞善王吉傳吉宣帝時為諫大夫論除任子之令上以其言迂濶不甚寵異也吉遂謝病歸琅琊然亦視如土梗屏棄不用夫職在諫諍

猶不得伸其喙尚奚望於百摯哉唐因漢制復增遺闕

愚意有導人使諫之意然貞元以來蔣乂以右拾遺為

史館修撰

蔣乂貞元九年以右拾遺權史館修撰

穆宗之世李紳以左拾

遺為翰林學士

本傳元和擢進士第穆宗召為右拾遺翰林學士與李德裕元稹同時號三俊

夫拾遺一職也史館又一職也翰林學士又一職也則

唐之所以任是官者亦幾於不專矣任之而不專其職

固未為唐害任之而不用其言唐之害為不小爾觀李

渤之初以拾遺召也未幾遷為補闕一諫忤旨下遷叅

軍

李渤傳渤始以拾遺召歲餘遷右補闕以直忤旨下遷諮議叅軍

裴潏之初以補闕

諫也一徙舍人未幾再䟽身亦再貶

裴潏傳潏屢遷左補闕諫憲宗以中

人領使帝不用後擢為起居舍人又諫憲宗從柳泌治丹刺帝怒貶江陵令

則唐之所以望

補闕而拾遺者亦文具矣嗟夫古者上自公卿下至工

瞽皆諫君之人也至後世結舌不鳴僅有諫垣之立耳

古者若箴若頌若議若謗皆諫君之言也至後世掃地
不存僅有諫囊之規耳今也任諫垣者未必言進諫囊
者未必信此君子深為之浩歎故曰漢唐之世特以諫
名而天下無敢言之人是也我國初官以定俸實不親
職故赴諫院者方得諫官端拱初以補闕為司諫以拾
遺為正言所以舉其職也國初承五代之弊官失其守
者裁以定俸入而不親職兼
議大夫司諫正言須降敕赴諫院供職者方為諫官端
拱三年以左右補闕為左右司諫以左右拾遺為左右
正言時太宗欲諫官天禧之廣諫負天禧初詔兩省置
諫官一負再魚職
脩職故詔改其官

務明道之置諫院

明道元年陳執中為諫官屢請置諫官六是以門下為諫院

所以

重其職也元豐正名散騎常侍不除而諫議大夫遂為

諫垣之長其屬有司諫焉有正言焉而三者各分左右

焉此諫官沿革之制也

元豐正名左右散騎常侍各一人既闕不殊而左右司諫大夫

遂為諫垣之長專言責焉左隸門下省右隸中書省掌規諫諷論

然國朝雖仍漢唐之

官而實得虞周之意三百餘卷上裨君德

田錫遷諫議大夫凡進三

百餘卷真宗見之必莊嘗比之曰朕之汲黯也

一十九章極詆時弊

劉安世十

京時為諫議大夫

諫議大夫之有人也御筆新除歡動朝野

慶

歐陽求叔張安道王素俱除諫官蔡君謨以詩賀曰御
筆新除三諫官喧然朝野兢相歡當年流落丹心在自
古忠良得路難必有謀猷裨帝治直須風采動朝端世
間萬事俱塵土留取功名久遠看三人以其詩薦之於
上尋亦除諫
御筆親題名留殿壁

魯宗道為正言事有
遺誤風聞彈疏御筆

題殿壁
曰魯直

司諫正言之有人也不特此爾四諫之稱侈為

美談

歐陽脩余靖蔡襄王素
為諫官時謂之四諫

四賢之名播在流詠

范文正公

言事忤大臣貶余靖上疏論救落職尹洙歐陽
相繼抗疏亦得罪蔡襄作四賢一不肖之詩

若此者

又班班可紀也茲任言責者知無不言言無不盡爾至
若鄒浩之為正言也不陳孟后之事而曾誕玉山客問

之篇陰諷潛刺聞者若愧

四朝國史曾誕與右正言鄒浩友善孟后之廢誕三與浩

書勸使力請后浩不報及浩以諫立劉后南遷誕著玉山主人對客問一篇以譏之識者或以此韓愈諍臣論

高若訥之為司諫也不言仲淹之去而蔡襄不肖之詩

極口深詆略不少貸

見上

故雖庸庸瑣瑣之流亦為挺

挺敢言之氣失在諫垣救在縉紳以此觀之我朝之諫

諍者何特諫垣一二負哉又嘗舍是而觀之百執草茅

田野之公論矣外任漕臺亦許奏事

歐陽脩

出為郎倅

得議建儲

司馬公

是在外群臣得以奏封不曰越職以

希恩也身居負外挽衣論列冠萊公職為監門上書言

事鄭俠為監門上書言新法是在內微職得以抗議不曰出位而賈

名也山林布衣抗論行都張齊賢上庠諸生疏陳中道

太學生江煒時為靖國中陳大中至正之道草澤之士敢議國政不曰猖狂

而加罪錦工獄吏引對殿陛王贊大名細民伐鼓論事

大中祥符九年大名府民伐鼓登聞鼓訴秋旱詔遣官披視蠲其賦閭閻之夫敢言朝政

不曰誹謗以速刑自上而下由貴而賤皆為論列之人

爾故曰我朝雖仍諫諍之官而不拘諫諍之責者此也

翰苑

玉堂賜篆景仰彌文寶帶橫金敬佩新渥榮矣哉翰苑

之選也

東坡謝翰林表云

然嘗攷建置之由矣西漢以來代言

委諸尚書未有是官爾

通典漢尚書郎直宿建禮門奏事明光殿下筆為詔語為

詔今魏晉以後代言委諸中書亦未有是官爾

通典梁用中書舍人

居詔詔之任注魏晉以來詔詔皆中書令及侍郎掌之

而翰林建職其自唐始歟

夫翰林院者藝能伎術召見之所處也

韋執誼翰林政事翰林院者在

銀臺門內以藝能伎術召見之所處也

貞觀間時召學士草制而名號則

未聞焉乾封間始號北門學士而他號則亦未聞焉開

元初始選朝官入居翰林供奉別旨而定名則亦皆未

聞焉迨至二十六年而翰林學士之名定矣自太宗時召名儒學

士草制然猶未有名號乾封以後始號北門學士元宗初制翰林待詔掌四方表疏執答應和文章繼以詔勅

文詔悉由中書多壅滯始選朝官有詞藝學識者入居翰林供奉別旨然亦未定名制敕書詔猶分任集賢閣

元二十六年始以翰林供奉改稱學士別建學士院於翰林院之南俾專內命其後又置東翰林院於金鑾殿

之西隨上所在選用益重職林及翰林故事國朝翰林雖掌內制而學士或

領外制其文書皆知制誥主之國朝翰林學士掌內制淳化二年以翰林學士

賈黃中蘇易簡司管勾差遣院而學士領外司自此始
自學士兼領他司止與職名同元豐官制行始專內制
故必帶知制誥有承旨有學士有直院有權直院承旨以久次

居之

唐始以鄭絪為承旨國朝承旨不常置以院中久次者一人充續會要

學士多以外

制除之直院以資淺者充之

國朝開寶二年以中書舍人李方知制誥盧多遜並

直學士院而直院之名始此會要盧權直以他官暫行

史云但以資淺者為之其實正官也權直以他官暫行之

開寶六年以知制誥張詹權直翰林院而權直之名始此凡他官入院未至學士謂之直院學士俱闕他

官暫行文書謂之權直會要

元豐正名而後翰林之職定矣嗟夫水

遶瀛洲花園周廡外喧既寂內務靡華清之極也西聯

金鑾北瞻銅樓晨趨瑣闥夕宿嚴衛密之至也備待顧問辨疑釋非發演綵綸據古援今任之重也自非天才拔萃已德邁倫未有不忝厥職爾李白嘗為翰林供奉

矣雖一時應制摘辭奴僕力士然未幾神遊八極不可

羈絆者才為之累也

唐李白傳白為樂章帝愛其才嘗侍帝醉使高力士脫靴後白浮游

四方於采石騎鯨捉月而死

張洎亦嘗為翰林學士矣雖一時侍詩

侑酒勢有華蓋之逼然未幾而儀同之詔不下卒受楊

國忠之謗者德未足於此也

本傳

自開元至咸通翰苑

顯名者一百八十九人為相者五十有三

元宗八人肅宗四人一相

代宗六人一相德宗二十二人七相順宗二人一相憲宗二十四人十相穆宗七人一相敬宗三人一相文宗

三十四人十相武宗八人三相宣宗三十人十一相懿宗以後三十六人七相 非不侈為美

談然求如正諫自任閹宦知懼

李絳為翰林學士孜孜以正諫為己任嘗極論

中官縱恣人皆憚之 草詔一下士卒感泣者能有幾人哉

陸贄為學士從

幸奉天下詔山東士卒感泣

至于國朝與唐異矣紫詔白麻流布中

外金坡玉堂選選才德且以尚書而為翰林下遷也而

太祖乃曰深嚴之地當以宿儒處之

長編乾德元年上謂宰相曰北門深

嚴當擇審重士處之范質曰竇儀清介謹重然在前朝
已自翰林遷端明今又遷兵部尚書難於復召上曰禁
中非此人不可卿當
諭朕意勉再赴職
據平資而除翰林非超遷也而太

宗乃曰學士之職清貴非可以他官比之
張洎欲遷翰林太宗曰學

士之職清切貴重非是用人不以資而以望矣和嶸以

文得寵可用也而眸子不正竟不居以近侍
太祖以和嶸善文寵

待之欲召入翰林謂近臣曰嶸眸子范杲獻記求進亦

可用也而躁競可厭終不除以內制
知制誥范杲數致書宰相求入翰林

嘗出一篇示李昉曰先公謂杲才任學士故以付杲
於是獻玉堂記請備其職上惡其躁競不使居內
是

用人不以文而以行矣此選用之意然也蘇易簡張洎

皆興國之翰林矣清淨玉堂中之詩而太宗特示易簡

焉

蘇易簡時為承旨張洎為學士上疏數千言太宗賜蘇易簡詩云翰林承旨貴清淨玉堂中

豈非

洎之德行不及文學

執政欲用張洎上曰極知洎文學不下士安第德行不及爾

蘇

之忠孝形諸歌詠歟

太宗賜易簡言曰君臣千載會易簡曰忠孝一生心楊億晏

殊皆景德之翰林矣前席待名賢之詩而真宗特賜楊

億焉

真宗御筆七言詩賜楊億曰承明近侍究儒玄苦學勞心疾已痊善保興居調飲食副予前席待名

賢豈非億能不草冊后之制

真宗欲冊皇后上欲得楊億草制使丁謂諭旨曰大

年勉此不憂不富貴億曰此富而殊甘奉相謂之詔歟

貴非所願也乃命他學士草制天禧三年丁謂復相召學士劉筠草復相制筠不奉詔乃更詔晏殊殊遇筠側面而過蓋有所愧也此勸

勉之情然也賜以錦袍十月朔舊賜紅錦袍淳化三年代以細花盤鵬錦賜丁丞相一

等錫以金盞神宗賜王珪以盤龍金盞設以紫花之座神宗設紫花座賜王珪坐

榮以金蓮之燭哲宗時蘇軾為翰林學士入對命坐賜茶曰中翰須盡心事官家報先帝知遇

出撒金蓮或不覺前席英宗朝張方中或命坐賜茶見上或待

舊臣以賓友太宗以賓友待蘇易簡或見宰相以客禮孫抃此待

遇之禮然也噫選用謹矣勸勉至矣待遇之恩復厚矣

則雍容禁坡回翔仙境參決國論發揮天語其忍負之

哉是故條畫兵數稱為頗牧有李文定焉

李文定公迪在真宗時為

學士上問陝西兵幾何對曰臣向在本道以冊書兵馬糧草之數以備調發今猶佩置囊中帝令探取之目黃門取紙筆令具疏帝曰不意頗牧復在吾禁中矣 兼有文學可比董楊有司馬

公焉

神宗擢司馬光為學士自謂知制誥不敢濫居況堪為學士乎又三疏力辭上從容問光曰古之君

子或學而不文或文而不學惟董仲舒楊雄兼之卿有文學何辭為光曰臣不能四六上曰卿既舉進士取高第賦亦四六也以告勅 有文章典雅者

張方平在翰林上手札褒之曰

卿文章典雅

有文行兼著者

真宗朝召學士梁顥夜對論及人物上曰文行兼著

有三代風

如趙安仁者有
幾遂為學士
噫盛哉不特此爾唐之翰林妄為弄辭

艷曲無所規正

如沈佺期為學士為弄辭李白為翰林作樂章之類

陋也而我朝

歐陽公宮帖亦不忘規諫之意

歐陽脩宮中之帖亦不忘規諫

唐之內

制不聞封還間以給事郎為之

袁高為給事封還盧相刺史詞頭

拘也

而我朝劉筠亦不草丁謂之制

見上注

此尤翰苑之盛

也子瞻堂堂如山如河此魯直贊誦東坡也愚以先正

諸公亦何歎於斯云

古今源流至論續集卷六